

職官分紀

欽定四庫全書

職官分紀卷十二

宋 孫逢吉 撰

樞密使

五代史唐朝擇中官一人為樞密院密院印付中書門
之四貴天祐元年廢梁開平元年改桑維翰兼樞密使
命敬翔領使仍置判官一人自後不呼官失其職久矣
一人二年置崇政殿直學士二員後使凡承上之旨宣

後唐同光二年復為樞密院亦置一人凡東西院二員
晉天福四年宣徽使劉處讓兼樞密使每有奏議多不
稱旨會處讓丁內憂乃命以樞密院印付中書門下廢
樞密院開運元年復置以宰臣桑維翰兼樞密使

新五代史郭崇韜安重誨傳嗚呼官失其職久矣予讀
梁宣底見敬翔李振為崇政院使凡承上之旨宣文宰
相而奉行之宰相有非其見時而事當上決者與其被
旨而有所復請者則具記事而入

記事若今學士院
詔報今士大夫間以文

字往來謂之簡帖便語猶謂之記事也

因崇政使以聞得旨則復宣而出

之梁之崇政使乃唐樞密之職蓋出納之任也唐常以
宦者為之至梁戒其禍始更用士人其備顧問參謀議
于中則有之未始專行事于外也至崇韜重誨為之始
復唐樞密之名然權侔于宰相矣後世因之遂分為二
文事任宰相武事任樞密樞密之任既重而宰相自此
失其職也

國朝以樞密院與中書對持文武二柄號為二府禮遇

略同今亦有東西二院印但行東院印置使副使或置知院同知院然使與知院不並置又置簽書院事同簽書院事

治平元年詔樞密院李一進班簿亦令為冊錄

春明朝退錄樞密院問降宣故事具典故申院案有梁朝宣底二卷朱梁貞明三年四年事每事下有月日云臣李振宣或降官差官或宣事於方鎮等處其間有云宣頭宣命宣旨者梁朝以樞密院為崇政院始置使以

大臣領任以政事貞明年是李振為使當是以宣傳上
旨故名之曰宣而樞密所出文字之名也似欲與中書
敕並行雖無所明見疑降宣始自朱梁之時晉天福五
年改樞密院承旨為承宣亦似相合其底乃底本也繫
日月姓名者乃所以為底聞今仍舊名

新制樞密院掌邊防機密兵符軍籍差除路分都監以
上及將官諸班直內外禁軍之事

筆談予為史館檢討時樞密院劄子問宣頭所起予按

唐故事中書舍人職掌誥詔皆寫四本一本為底一本為宣此宣謂行出耳未以名書也晚唐樞密使自禁中受旨出付中書即謂之宣中書承受錄之于籍謂之宣底今史館中尚有梁宣底三卷如今之聖語簿也梁朝初置崇政殿專行密命至後唐莊宗復樞密使使郭崇韜安重誨為之始分領政事不關白中書直行下者謂之宣如中書之敕小事則發頭子擬堂帖也至今樞密院用宣及頭子本朝樞密院亦用劄子但中書劄子宰

相押字在下副貳以次向上以此為別頭子唯給驛馬之類則用之

使

唐劉李述傳初延英宰相奏事帝平可否樞密院使立侍得與聞及出或矯上旨謂未然數改易撓權至是詔如大中故事對延英兩中尉先降樞密使候旨殿西宰相奏事已畢案前受事李師虔請於屏風後錄宰相所奏帝以為侵官不許

五代史後唐同光元年中門使郭崇韜昭義監軍張居翰為樞密使唐以宦者為之其職甚微至此始參用士人與宰相權任均矣晉天福四年廢樞密使開運元年復置用顯德末魏仁浦吳廷祚為樞密使

國朝建隆三年以樞密副使兵部侍郎趙普為檢校太保充樞密使不帶正官自普始

開寶九年以曹彬為樞密使領忠武軍節度使帶節度自此始

太平興國六年以樞密副使刑部侍郎石熙載為戶部尚書充樞密使以文資正官充使自此始

大中祥符中以吏部尚書知樞密院事王欽若戶部尚書知樞密院事陳堯叟並依前守本官檢校太傅同中書門下平章事充樞密使儒臣充樞密使兼使相自欽若等始

天禧五年樞密使檢校太師同平章事曹利用加僕射

時天章閣成丁謂馮拯並進秩利用止加開府階邑千戶實封四百戶翌日貼麻加正官

慶厯二年七月以宰臣呂夷簡判樞密院事章得象兼樞密使晏殊充樞密使以宰臣兼其任也九月改呂夷簡兼樞密使時議者以二府體均判總之名本重故改之

歸田錄嘉祐二年樞密使田況罷為尚書左丞觀文殿學士兼翰林侍讀學士罷樞密使當降麻而止以制除蓋往時高若訥罷樞密使所除官職正與田公同亦不降麻遂以為故事

春明朝退錄文臣為樞密使皆帶檢校太尉太傅兼本
官

乾興元年錢文僖以兵部尚書為樞密使不帶檢校官
有司之失也

漢乾興中除樞密使始降麻如將相之制本朝循之石
元懿罷為僕射亦降麻高文莊田宣簡呂寶臣罷止舍
人院出告

皇祐五年五月以樞密使高若訥為尚書左丞觀文殿

學士兼翰林侍讀學士同羣牧制置使故事罷樞密使
當學士院降麻及若訥罷但令舍人院草制遂以為例
續翰林志舊體樞密使未帶使相者不宣麻至周太祖
初潛歷試是任乃宣麻於公朝令宣麻自此始也

朝服侍上

唐昭宗初即位有事于圜丘宿齋于武德殿
時兩中尉兩樞密皆朝服侍上事具內侍省

門

負氣寡識

五代史楊邠魏州冠氏人少以吏給事使
府後唐祖庸使孔謙領度支補兵勾押官

漢高祖鎮鄴以為都押衙高祖鎮太原益加親信漢國
建遂以邠權樞密使隱帝即位加邠中書侍郎兼吏部
尚書同平章事仍兼樞密使凡南衙奏事中書除命如
不出邠意至于一簿一掾亦不聽從時侍衛親軍都指

揮史弘肇恣行慘酷邠稱弘肇之善邠嘗與三司使王
章於御前論事隱帝曰事行之後勿俾有詞邠曰陛下
但禁聲有臣等在左右聞者縮頭其負氣寡識如此乾
祐三年邠與史弘肇王章入朝同坐廣政殿東廡下俄
有甲士數十人自內而出宮弘肇

指改詔書救千人濫

與邠及王章於門內並夷其族
死張居翰掖庭令張從政之養子同光中為樞密使偽

蜀王衍既降詔遣其族於洛陽行及秦川時閬東已

亂莊宗慮衍為變遣中官馳騎賞詔殺之詔云王衍一

行並宜殺戮其詔已經印書時居翰在密地覆視其詔

乃措去衍字改為家字及衍就戮於秦川驛止族其近

屬而已其偽官及從行者尚千餘人皆免其枉濫居翰

賜券恕死

也莊宗入汴拜郭崇韜為侍中監修國史
兼樞密使及郊祀畢以崇韜兼領鎮冀

節度使進封郡公

收獎人士悉獻家財

崇韜既位極人
臣權兼內外謀

賜鐵券恕十死

猷獻納必盡忠規士族朝論頗亦收獎人物內外翕然稱之初收汴洛稍通賂遺親友或規之崇韜曰余備位將相祿賜巨萬但偽梁之日遺賂成風今西方藩侯多梁之舊將皆吾射鉤斬袪之人也一旦革面化為吾人堅拒其賄得無懼乎藏余私室無異公帑及裡郊崇韜悉獻家財以助賞給

卧帳中召問計

崇韜初事武皇為典謁莊宗嗣位尤器重之莊宗即位於魏州以崇韜為樞密院使是時魏州陷於梁渰相之間寇盜日至民流地削軍儲不給羣情洶洶以為霸業終不能濟崇韜寢不安席莊宗計無所出崇韜身先督衆四面拒戰有急即應莊宗憂之問進取之策李紹宏請棄鄆州與汴人盟以河為界莊宗不悅獨卧帳中召崇韜問計崇韜曰汴之精兵盡在段凝麾下寇鄆境據河濡謂我不能南渡志在收復汶陽此汴人之計也陛下親御大軍長驅倍道直指大梁汴城兵望風自潰既若偽王授首賊將自然倒戈半月之間天下必定莊宗

蹶然而興曰正合吾意莊
市不改肆崇韜為樞密使從

宗入汴皆崇韜之謀也
西川城戒諸軍剽掠令法嚴峻魏王平蜀大軍入

掠一錢必論之以法市不改肆
三年邢州汝州戍兵還見訖於殿庭遺下匿名文字長

論本指揮元霸率斂人錢物帝令侍衛指揮使張從賓
按問樞密使范廷光奏曰匿名文字重

准格不治禁訟端也不宜按問乃止
出玉帶與覘者重

誨為樞密使兼侍中戶部尚書李璘曰安重誨欲為宰相人望非允璘乃引楊溥謀者見重誨曰楊溥欲歸國

久矣若朝廷遣諭之可以召也重誨信之因出玉帶與
覘者令歸王佑其值數千緡經歲無所聞竟成虛語

不曉文義明宗 崇此

下原本闕

副使

五代史梁崇政院置副使一人周末闕

國朝建隆元年始以樞密直學士趙普為兵部侍郎樞密副使三月以宣徽北院使李處耘為南院使兼樞密副使自五代以來凡樞密院皆參用文武大中祥符七年以王嗣宗曹利用並為檢校太保充樞密院副使不帶正官

任數好詐非廊廟器

國朝王沔臨事明察有通時之用頗苛碎深刻不以至誠待人能阿

意希旨以自固祿位與張齊賢同任樞密副使頗不協及齊賢參政汚心不自安會王禹偁上言中書本廳不